



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444
fax. +387 33 726-423
e – mail: info@voda.ba

Broj: **UP-1/21-1-40-005-8/23**

Datum: **19.04.2023. godine**

«Agencija za vodno područje rijeke Save» Sarajevo, rješavajući po zahtjevu Grada Zenica podnesenom putem JP za prostorno planiranje i uređenje grada «ZENICA» d.o.o. Zenica za donošenje rješenja o prethodnoj vodnoj saglasnosti za aktivnost – izgradnja mosta preko rijeke Bosne na lokalitetu između naselja Blatuša i magistralne saobraćajnice M-17 u Zenici, a u postupku pribavljanja urbanističke saglasnosti, na osnovu člana 142. stav (1) i 218. Zakona o upravnom postupku («Službene novine Federacije BiH», broj 2/98, 48/99 i 61/22), donosi

ZAKLJUČAK **o prekidu postupka**

1. Prekida se postupak kod ove Agencije za donošenje rješenja o prethodnoj vodnoj saglasnosti za aktivnost – izgradnja mosta preko rijeke Bosne na lokalitetu između naselja Blatuša i magistralne saobraćajnice M-17 u Zenici pokrenut po zahtjevu Grada Zenica podnesenom putem JP za prostorno planiranje i uređenje grada «ZENICA» d.o.o. Zenica, do rješavanja prethodnog pitanja vezano za usklađivanje navedene aktivnosti sa prostorno planskom dokumentacijom grada Zenica.
2. Prekid postupka trajat će dok se ne završi procedura usvajanja Urbanističkog plana Grada Zenica za period 2021-2041. godina.

Obrazloženje

Dana 11.01.2023. godine JP za prostorno planiranje i uređenje grada «ZENICA» d.o.o. Zenica obratilo se ovoj Agenciji u ime Grada Zenica sa zahtjevom za donošenje rješenja o prethodnoj vodnoj saglasnosti za aktivnost – izgradnja mosta preko rijeke Bosne na lokalitetu između naselja Blatuša i magistralne saobraćajnice M-17 na dijelu zemljišta označenog kao k.č. broj: 550, 555 i 1785/1 K.O. Zenica I i k.č. broj: 1747/1 i 1775/1 K.O. Zenica III, grad Zenica, a u postupku pribavljanja urbanističke saglasnosti za izgradnju istog.

U toku vođenja postupka utvrđeno je da uz zahtjev nije dostavljena potpuna dokumentacija neophodna za donošenje rješenja o prethodnoj vodnoj saglasnosti te je dopisom broj: UP-1/21-1-40-005-4/23 od 01.02.2023. godine a potom i naknadnim dopisom/urgencijom od 23.03.2023. godine zatraženo od podnosioca zahtjeva da istu dopuni.

Uz dopis broj: 03-1-3321/23-B/D upućen od strane JP za prostorno planiranje i uređenje grada «ZENICA» d.o.o. Zenica a zaprimljen u Agenciju dana 17.04.2023. godine dostavljena je djelimična dopuna dokumentacije (kopija katastarskog plana, posjedovni listovi i zemljišnoknjižni izvadak za parcele na kojima je planirana gradnja mosta) uz pojašnjenje da traženo Mišljenje/informaciju o usklađenosti planiranih aktivnosti izgradnje mosta na predmetnoj lokaciji sa prostorno planskom dokumentacijom Grada Zenica ne mogu dostaviti dok se ne usvoji Urbanistički plan Grada Zenica za period 2021-2041. godina čija izrada je u toku.

U skladu sa članom 3. stav (2) a u vezi sa članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22) konstatovano je da ova Agencija prema važećim propisima nema uslova za nastavak postupka dok se ne riješi prethodno pitanje vezano za usklađivanje aktivnosti izgradnje mosta na predmetnoj lokaciji sa prostorno planskom dokumentacijom grada Zenica.

S tim u vezi, a na osnovu odredbi člana 142. stav (1) Zakona o upravnom postupku («Službene novine Federacije BiH», broj 2/98, 48/99 i 61/22) rješeno je kao u dispozitivu ovog Zaključka.

UPUTA O PRAVNOM LIJEKU:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Zaključka. Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.ing.građ.

Po ovlaštenju
Rukovodilac sektora za izdavanje vodnih akata



Hari Alisehović
Haris Alisehović, dipl.ing.građ.

Dostaviti:

- JP za prostorno planiranje i uređenje grada «ZENICA» d.o.o. Zenica
ul. Mehmedalije Tarabara br 15, 72000 Zenica
- Grad Zenica
Trg BiH br 6, 72000 Zenica
- AVP Sava, ISV-vodna knjiga
- Sektor 40 - arhiva
- Oglasna ploča - AVP Sava